



10238

馬孃製繭絲必纏綿絞妾卷綃珠還的歷石煉媧皇之
五色莫補愁天木銜精衛之千枝難填恨海况乃人非
太上生既眇歡情則一往以彌深長言不足緒且百端
之交集永歎奚窮所由山榛隰苓託遐思於彼美澧蘭
沅芷寄悵望於夫君彭澤之翠簾文茵寧妨白璧醴陵
之綠波春草始稱彩毫蓋以夢入洛靈幽明冥契抑亦
情含楚雨頑艷色飛籍甚仙郎猗歟公子詢其姓氏接
炎漢之三公景彼聲名標李唐之四傑生長蘭陵之里
嘯吟梓澤之園極命風騷覃精比興小姑獨處偏恥自
媒季女斯饑還貞不字容華暗惜睠豆菹於江南手爪
私憐采靡蕪於道左三春織錦文迴蘇蕙之機五夜勻

芙蓉詩額卷四

春曉集序

一

牋書答秦嘉之鏡樓邊秋水宛爾目成簾外春山居然
眉語於是閒摹近體偶賦無題鏡月裁雲既孤情其絕
照研朱破粉務盡態以極妍組續虛空心香空吐雕梭
要眇意蕊怒開結體清新不謬和平之旨選聲哀豔略
無暱媠之形恍聆錦瑟於當筵悽生百感如聽王簫於
別館愴動七情客喚奈何定使西崑失步公言亡是免
教內翰嫁名僕愧叢殘久傷哀樂清歡如昨胡香則著
領難消昔夢都非仙珮則回頭已失思灰一寸噬將藥
轉碧城腸賸九迴漫擬珠求滄海何來妍唱倍懺多生
譬窺麗於中山安能弗道懶效顰於西子休更捧心待
續香奩留作水天閒話聊弁綺語播為花月新聞離墨

山樵徐瑤題於紫藤花下

艾航詩顧卷四

春曉集序

二

卷四



芙航詩禪卷四

武進 楊士凝 笠乘

春曉集

友人訂余讀書山中春夏之交以太夫人病不果
行篇什亦廢入秋擯於有司自傷顛蹶得三十章
叔祖命付剖氏曰春曉集仍舊名也

甲午

無題

天散空花未即空
姍姍環珮響雲中
三更細雨敲柔綠
一陣輕寒暈曉紅
神女蛻旌憑屏翳
宓妃魚乘絕豐隆
淨名禪室心香少
隱語傳愁賦惱公

芙航詩禪卷四

春曉集

一

深深妝閣掩踈慵
名貴天教妬阿儂
午枕濃香含荳蔻
曉奩清影瘦芙蓉
悲逾秋氣臨寒水
恨鎖春眉画遠峰
一種銷魂驚絕代
虛衾無那五更鐘

海棠殘睡受風降
燕乳勾香話小牕
巫峽雲凝收暮雨
湘篔淚冷滴空江
迴闌送目延三五
密徑停蹤印一雙
無語不諳愁住處
買紅猶笑未纏缸

永巷櫻花最少時
天孫工苦託機絲
風波沒命歌桃葉
絲管多情眷柳枝
綠水鴛鴦偷熟睡
紅牆鸚鵡費相思
慧心未忍輕消耗
嬾續連波織錦詞

憑仗東皇署翠微
他生情重扣雙扉
馬嵬香土蒙征鞞
燕子空樓疊舞衣
方士有靈窮碧落
舍人無訝泣紅稀

黃金不買長門賦，魂倚荃蘭迳迳飛。

春風不肯嫁芙蓉，無分相逢未嫁初。渴疾難銷千百種，
琴心應逗十三餘。新愁冉冉供思索，舊恨芊芊待掃除。
休借冰霜慚卓氏，白頭山雪醉相如。

下鏡風流是老奴，最憐當日怨秋胡。休論有婦驅羣婢，
未必無郎聘小姑。立馬使君猶抱恨，上頭夫婿不曾輸。
吳宮苦拒秦樓客，也得偷花一到無。

長記兒家香水溪，鳳城何日博青梯。未妨南阮全輸北，
不信東村更有西。密誓猜殘紅豆子，熱心消盡紫花梨。
丁香也縮相思結，牢鎖春魂怨鳥啼。

漏却春愁語太平，佺佺離思繞天涯。簾旌細響訛輕珮，
花朶無聲墜古釵。剪刀舌谷鶯啼不了，褪香品麝死誰埋。
銜冤弗遣巫陽問，碧海塵飛十二街。

花生紅燼蠟心灰，杜宇啼魂弔落梅。道北早埋梨樹訖，
海南罷遣荔支來。宮人別緒多留句，學士新聲儘費才。
啄盡皇孫輸燕燕，漫勞重建避風臺。

誰画春曉背面人，不堪相妬不堪珍。非煙散後空追步，
小史仙時解避秦。睡起藏羞翻近狎，醉餘忍笑幾成嗔。
分明春去偷垂淚，錯認胭脂捺未勻。

娉婷小市過如雲，忙煞嗟香鳥一羣。何必侍兒皆挾劍，
可應娘子亦從軍。雨絲牕閣層層暗，花氣簾櫳細細熏。

步轉闌干偷顧影，悶心頻撚舊羅裙。

芙蓉詩櫛卷四

春曉集

枯香落蕊薄雲昏
草綠汀洲水並村
小袖白描新院本
下裳紅漬舊曉痕
鄴臺空鎖漫天恨
總帳孤銜入地恩
猶恐餘香分未盡
墓田風雨暗銷魂
益智拋殘種合歡
破除愁思暫盤桓
霜迎曉色空階靜
風剪秋光小閣寒
橘酒冷多酸齒恨
蔗漿甜入苦心難
缸花半滅屏風外
駭駭襟懷倦倚闌
不關情處倍相關
一半花魂斷楚山
化蝶夢來猶未醒
捕魚人去已催還
緣慳仙子酬條脫
怨結歌姬認指環
爭說定情誰與定
亂翻紅袖撒香鬟

不爲周師撒小憐
天教恩幸泣三千
昭儀嬌擁貧時背
鈞弋平開笑後拳
一代風流憑積恨
六宮日影幾曾圓

笑航詩禪卷四

春曉集

三

昭陽爛步蓮花去
貼盡黃金是枉然

萬古斜陽挂柳條
秦淮秋暮冷瀟瀟
十分花月團三國
一片煙波澣六朝
風力揚威旋日馭
水聲流恨咽江潮
周郎老去雄姿少
憶煞春深嫁小喬

城陰遙接綠楊郊
幾度春情續拋葉
影碎籠修竹
幹蕊香寒發老梅
梢聽殘促漏曾無寐
過盡迴廊悔未敲
夜靜屋梁斜月落
顛魂飛入海棠巢

秋砧霜信寄征袍
絲澀燈寒泣剪刀
蟾窟飛空何惜冷
鵲聲送喜不辭勞
花迎一騎飄遺粉
箋附雙魚禿彩毫
傳語彈箏卸銀甲
動人時候禁人搔

閒倚踈寮問素娥
料量今夕照誰多
心憐一寸如絲亂

愁賸三分奈夜何去國淒涼懸破鏡涉江珍重寫凌波
輸他山鬼思公子冥雨幽魂戀女蘿

守宮紅入王鈎斜古戍煙迷點暮鴉一桁酸風梳柳線
四更殘雪上梨花吳臺歌舞尋常遇秦地山河次第賒
年少潘郎最癡絕肯因擲果遽投瓜

若使仙郎老是鄉人間應復奏霓裳舍傍射鳥防樊嫫
夜半牽牛愧壽王滿眼花風迷上苑當頭煙月冷空梁
千般幽怨都拋却卧聽霜鐘看洗妝

姑嫜猶是未分明愁趁秋鴻泣遠行味到不知剛有味
情於何處判無情箇中著筆應多曲局外看棋最不平
吹到東風盈別怨隔牆愁絕賣花聲

芙蓉詩韻卷四

春晚集

四

斷腸亭是短長亭花藕絲絲絆楚萍天貶琵琶埋朔漠
春藏松柏鎖西泠歸從函谷頭難白走向章臺眼易青
一別經年靈鵲到詎他銀漢勒雙星

擬上瑤臺十二層東風著力也難升吹簫跨鳳情何限
竊藥乘蟾愧未曾樹影池塘眠落葉雨聲樓閣閃孤燈
人間風景蘭香識只是仙人謫可應

揜輸生小未知愁魂任春銷不轉頭深院衣香捎露草
後堂犀影押簾鈎牕紗分綠涼侵篔簹樹杪飛紅嬾下樓
悵悵風光三月暮蒿花千片委溪流

高卷秋濤漏未深寒星牢落挂疎林讒多何地堪留枕
寵極無心詠抱衾矢節不難人化石定情寧俟屋爲金

萬重終到蓬山頂半是狂心半苦心

生煙凝碧水拖藍渲染長安三月三莫爲書空憎斷雁
忍綠絲盡笑春蠶踈蘭鋤種渾難忘香絮沾泥太不堪
馬上王孫春意好夢中芳草徧江南

花陰風露暗侵檐動靜防閑絕謹嚴堆案琴書荏作解
背燈鍼線苦頻拈秋千斜搭矜腰細屈成輕敲護指尖
爲惜離鸞毛羽在肯令長舞漫開奩

浮生融却味酸鹹小放花枝貯錦函未必樊川嗟綠葉
祇教司馬濕青衫西方思美情千里南國懷春夢半巖
忍遣洛濱羅韞去長風天外走江帆

附 芳華怨書笠乘春曉集

芙蓉詩韻卷四

春曉集

五

春冰琢作雲母屏清寒緊護交疎櫺美人孤坐愴遲
暮鴛鴦飛過青蘋汀汀洲空綠通弱水一髮三山萬
千里檣無鐵鹿畏海濤又苦船頭逆風起人生那得
如叩鷄東西食宿難相兼可憐劉阮仙分薄歸有何
好拋花奩詩人嘲弄翻激楚筆端鬼語復禪語力追
溫李師致堯深情句在無言處陽烏疾馳光月免靜
擣霜柳絲萬把誰捉搦輦入樓上睂彎長相思銷骨
無著莫夢語荒惱靈鸚紫竹吹殘叫鷓鴣青天蕩
蕩楊花落舅氏茶坪

跋笠乘春曉集後

古詩人不易立題而未嘗無題也吾鄉錢仲文氏無

題百首多率意之作而西崑諸公集中散見者亦非
大觀夫詩以言志志之所在託辭比事固不因題而
生心亦不因無題而鮮義我友芙航子三十章以無
題爲題者殆微言之不足而長言之乎握珠抱璞所
向非偶秋鴻春夢有信無痕抽遯思於椒丘寄艷情
於空谷王山樵人殆不是過題則無也而其志遠矣
阮步兵題詠懷陳正字題感遇李翰林題古風猶無
題也古詩若五首若十九首其題安在即三百之題
亦後人題之也長興同學沈无咎

芙航詩櫛卷四

芙航詩櫛卷四

春曉集

六

歲庚寅余移研席東臯授笠乘舉子業盤桓於風廊月
榭者二年時笠乘甫弱冠輒發憤讀書帖括之暇肆力
於聲詩鬪韻分題晨夕與共喜其超然遠詣追古人而
從之不難也後余客江右客京師間歲一相見必索閱
其近藁所著益多所詣益上余私心益喜今年歸自白
門見戀月亭集一卷豪才猛氣中多甘苦自喻之語直
而溫淡而言其於古之人何如哉子美云別裁僞體親
風雅笠乘足以當之矣自余奔走道途去東臯者已四
年於茲而風廊月榭諸勝忽忽往來於心及讀笠乘詩
風景如昨是亦余之所繫戀而不能忘者也乙未冬杪
梧坪呂廷鵬書

芙蓉詩禪卷五

戀月亭集序

芙航詩禰卷五

武進 楊士凝 笠乘

戀月亭集

余擬北遊緣吳中月社淹留故園適與夔會煩寃
終歲幾於鬼張之弧矣情有所觸不忘悔尤別是
年之詩爲戀月亭集

乙未

泛舟吳下戲同舟諸子

吳歌聲細越江南客興濃分柳色酣夢裏情峰迷六六
意中花徑闢三三馬蹏襯草拖風綠燕尾分春蘸水藍
不信山中有高士被他黃口賺携柑

芙航詩禰卷五

戀月亭集

遊婁水王相國東園二首

不煩雕績不矜才領取名園結構來藻野藥闌紅作砌
石橋藤架紫成臺山高水闊神工遠樹老雲深眼界開
爲訪吳中風月觀一登東閣恰看梅

煙挂晴紅水放藍夕陽村郭曉雲嵐傳家畫裏園林在
題壁詩翁姓氏譜七葉衣冠相先後一時帚屐滿東南
仙喬高視蓬壺好如此溪山竟未耽

陸氏園觀放鶴

主人好幽棲招客孤山住我欲學子瞻騎爾橫江去

月夜登虎丘

客舍僧廊待月明半山絲管帶鐘清嬋娟冷笑春遊客

留我看山到四更

狂笑

狂笑空山鬼一車，巢書硯北覓生涯。
設羅幷少門前雀，坐井偏多坎底蛙。
春曉柳煙迷野渡，夜寒梅月淡牕紗。
情孤只合茅齋卧，分得文通夢裏花。

東臯絕句

并序

東臯者先殿撰讀書別業也。楊氏家焉，故又名爲楊園池。亭、木石之勝，甲於邑數十年。來士凝兄弟貧，弗能葺，日就傾圯。先人游息之地，懼久而湮其名也。各誌以小詩。

江天閣

笑航詩櫨卷五

戀月亭集

二

江閣凌雲作講堂，牕開四面納清光。
秋心一點桐枝碧，春色三分梅子黃。

半亭

橋畔岐亭互往還，芭蕉分綠補溪灣。
不知癡點應誰屬，也似臨川愛半山。

梅巖

清新肝膽夢無邪，沁骨寒香酒著花。
醉卧巖間霜月墮，遲銷香雪領春華。

似古山房

深深濃綠隱簾櫳，過澗纖鱗響水萍。
我愛日長山更靜，此中消受一溪風。

春曉閣

亂剪花光上小樓
漏殘人起促梳頭
海棠絲軟東風惡
破曉一聲黃栗留

留仙亭

石亭架構半臨池
小結仙緣羽化遲
招得逋翁此間住
月明秋水鶴歸時

小艷瀕堆

旋水遙從野渡來
鷺窺鳧立小山堆
瞿塘自爾爭名勝
作賦慚非王局才

交川合浦

斷虹傍嶺跨斜川
夾岸芙蓉早放妍
携得釣竿青箬笠

芙蓉詩櫛卷五

戀月亭集

三

駕航圖作小江天

竹塢

竹竿萬个栽盈塢
粉籜抽尖雨後生
石磴不曾留客坐
風牕先遞沸茶聲

香水渡

曲水盤巖莫問津
亂萍香渡隔溪春
臨流忍負藤蘿約
野鳥銜魚認主人

繡佛龕

意生身外小乘禪
分別前塵有半緣
交佩冒香雲樹裏
不妨長作散花天

友梅居

春去還留紙帳痕淡交多向笛中論任人嗔作梅花癡
風雨柴門也斷魂

秋香徑

小山開徑種天香滿地金英濕夜光編作廣寒修月戶
一枝高斫趁新涼

楚楚閣

名分綠野繼平泉閣裏新涼閣外蟬萬疊煙林雲影到
入簾青翠滴珠圓

寶珠臺

登臺猶得傍花香火傘張空結露盤一樹珊瑚渾未碎
杜鵑唬破五更寒

芙蓉詩韻卷五

戀月亭集

四

自香軒

偈子空燒未作灰心清鼻觀喜頻開應從花味參書味
別送濃香硯北來

峰西閣

落格籠陰面面齊千章古木暗峰西紫雲一索條鈴護
直得春深此處迷

九環廊

壁間聞有周丹泉畫龍及米萬鍾手書東坡洞仙歌今盡頽廢

虛廊曲曲似迴腸破壁蛟龍漬墨香試剪荆榛尋廢址
水風花影亂斜陽

錦石軒

標名甲乙煉媧皇雪浪菱溪好韻顏只有黃金堪屈膝

更無人羨米襄陽

交步館

兩面臨池種
紅白蓮花

夾館風荷樣水紋一池花色笑平分日邊朶朶紅雲捧
冷絕山翁望白雲

次韻梧坪先生自都門下第歸里四首

倦遊無那九秋寒滿眼如花嬾獨看入世漸知多按劍
下車猶愧盡彈冠悲歌作客徒爲爾嗁笑從人本不難
落拓生涯何處所相思還夢小長干

萬仞青梯孰可攀誤身蹭蹬老田間烏羣嗁夜忙圍樹
雁影書空早度關西笑敢存吾道拙東歸猶愛客心閒
姓名不貴文章賤柳眼拖青注水灣

芙蓉詩禪卷五

蘇月草集

五

東臯踪跡未應稀野鶴閒雲去復歸千樹名花開闔苑
一籬斜日映叢扉踰躑輕騎喧紈袴辛苦秋風冷布衣
處士廬分南北洛石温多與世相違

支離詎肯受人憐游子天涯謾著鞭未必竟成迷渡客
何妨空費買山錢得名不免州中雪放眼無如井底天
燈火小牕淒絕處雞豚故事豈茫然

紙鷲二十韻

綠野晴光好嬉春賭放鷲篋柔工骨媚紙薄喜躬儼顧
影濃施采驕人飽控弦失身慚墮溷得志快鑽天豈是
干霄羽原非蠹字仙扶搖叨索引羈絆受人牽雲闕偷
名假春郊任意顛有書難附託無路敢黃緣平仗吹噓

力應專攫搏權勢張喙燕雀才拙笑鷹鷂都尉慵抽矢
村夫恚画笈宮娃舒望眼公子妬輕肩法駕輸秦鳳唳
魂奮蜀鵑宵征狂叫月曉起冷拖煙慣搆朱門禍空驚
繡闥眠懸燈欺日暗佩草倚風便翼塌分霞映衣單避
雨湔糊糊窮漢業把握小兒拳手脫家何在居危尾不
全却愁中斷綫排擠落村前

郊行

郊堤花柳盡情妍取次風光在眼前近渡晴雲紅出寺
遠山春艸碧于天晚鴉護子嗁巢樹野兔驚人走墓田
他日卜鄰呼酒伴此中雞犬亦翛然

董大來招看牡丹限韻

芙航詩韻卷五

戀月亭集

六

靜挹花魂艷欲飛妝成檻外想雲衣慵拖翠珮霞光滿
薄掠煙鬟日影微笑爾王孫多俗眼妬他姊妹是名妃
忍拋春色三分去午後游蜂懶未歸

四留堂雨中牡丹寄大來

雲錦天工一度新枉緣狂客酹花神酣風香細何辭醉
淚雨妝濃著意勻敢語東鄰毋鬪豔相看南阮可忘貧
灌園也具繁華眼坐擁羣花覲紫宸

梅雨初晴

弄晴天氣亦無端乍褪春寒尚帶寒草甲初萌經雨潤
葉聲空響得風乾花聯籬落爭寒笑鳥浴陂塘趁合歡
山外斜陽應未墮黛螺新染佛頭看

題陸叔成印譜

退之生晚嗟好古百年老坡好猶苦我今閱世更四代
敢隨二公歌石鼓讀書識字窮其源持撫竒文詎小補
吾鄉陸生藝絕倫篆秦隸漢師厥祖遠摩籀史變新意
剜剔神工走蛟虎縱橫碧樹珊瑚枝腕勢行空健起舞
近趨工豔鏡刻精鏤琢嫣然逞妍媸我初訪君城南隅
竹徑彎環繞野圃泊舫幽居寄遠情交道慚言棄如土
書生抑志鑄蟲魚感情憤同君愧仰俯博綜具見大雅心
尺幅成名羨茲譜

立秋日王大漢階謝二皆人蔣八東委董三大

來蔣十五師學家叔古度集楚楚閣觀荷即事

笑航詩禪卷五

總月俸集

七

依稀秋信到東臯蕭颯襟期也自豪海內詞場推若個
山中酒伴有吾曹寧辭白傅三萼尾許借江郎五色毫
把琰論文還惜別劇憐無策繫吳舫

皆人時有
吳下之行

籃輿何自造林丘淨濯紅雲兩岸浮隔樹蟬聲添爽意
卷波花氣入新秋月留人影柴門亂風曳螢光草徑幽
清夜西園江左客悲歌不忘五陵遊

七夕

露草流螢點點明針樓斜月落深更人間終歲無離別
可抵雙星此夜情

秋聲歌

鏗錚碎電飛驚濤長揚鐵騎揮弓刀重陰壓雲破天鼓

萬里走銳蛟龍逃荒城秋清山鬼嘯一氣迸作連天高
猿腸叫裂吼虎怒幽谷枯樹交狂號燈搖子夜聽逾猛
碧落千聲萬聲併泉流細響赴平川衆籟無聲砉然靜
吟蛩唧唧語昏黃又送清音繞孤枕江頭斷雁咽悲風
敲殘月下荒砧冷得霜桐葉侵闌干檐花疎雨金井寒
夢迴灑落杜鵑血黃蘆紅榭吹成團白帝子山可拔四
起宵歌江水滑咸陽宮闕切灰盈大風何如垓下此怨
無時平

朱門

何來籬犬吠朱門花底秦宮夜夜存
擗割吳姬歸越網任誇我屋姓公墩
狂迷當路椰揄魅苦嬖分曹大小髡

芙蓉詩櫛卷五

戀月亭集

八

窟室三風看日熾絮飛萍合笑無根

贈卞蘭塘二首

官廨尋佳句知音得幾人
搜春多雅麗聽雨最清新

著雨聽雨

樓詩集

猛卷大蘇氣工傳小李神
苦吟誰是伴樽酒坐花茵

君屐今誰尚飛塵障庾公慚
子蒙笠客辱爾下車翁
澹語成交道深情邁古風
敢叨蛩駉喻應解孟生窮

蘭塘有十九秋詩次其韻二首

秋燈

煎熬紅燼夜如年辛苦疎牕未忍眠
四壁餘明分雨夕三更孤影冷霜天
愁移旅客琴樽畔倦剔閨人刀尺邊
啗爾無心留短燄牀頭相對理殘編

秋帘

高出牆頭短倚門
酒家樓閣絆秋魂
遙情早訂紅蕖岸
斜影空飄黃葉村
妓館笙歌傳有信
客途風雨捲無痕
何堪山郭尋游侶
低望茆檐落日昏

賈道士處見一白螺蝦首解足畜之瓦盆彳亍
不止性不喜入水洵異物也

具體別青螺耽居安樂窩
蝦冠偏不整
解甲未妨馳那許
橫行慣翻憐縮項過也
如君避舍身外少風波

與王大漢階論文七十韻

大文布兩間六經實元氣
涵中發菁英
光燄燭無旣
盪胸飫膏腴
古澹蓄至味
積學同江河
內鼓狂濤沸朝廷

芙蓉詩頌卷五

戀月亭集

九

倡羣儒精業殫造誼吐辭屬今文
絢爛四子藝取士專一途
獎借設科第有明振文教派別百家
異幽若投千巖猛若騰萬騎
舒徐若雲鴻急疾若風鷲
巖密若編貝妍妙若奏伎
娟娟初洗妝爍爍新飾翠
敷陳假形容醜豁工喻譬卓哉諸詎公
一代紛鼓吹洋洋千萬言
衆作稱大備後人昧根柢學步忘厥自
習成公家言妄謂獲枕秘蒙師守章句
操管卽縱恣或岐異端說或拾牙後棄
或務誇綺靡豐贍類垢膩或如枯枝柯濯濯
乏生意有時互掄揚亦復交諷刺竊名列前
輩相矜矜利器心口空茫然詭論炫子弟
讀書惑紛華士風日浮僞吾友漢階氏閫奧
甚閑肆立言洞源流下手輒精粹抽空搜

冥思天秀呈雅麗未須事雕琢變化成擬議絕才如蒸
霞百道橫海際古心法歐曾近作歸湯繼江上初結交
爲我序制義芟夷加黠竄儻刺相淬礪狂詞謝時名快
語勗去弊客冬入京師聲譽傳比比車騎填長安莫辨
軒與輕大塊繁虬蟬擲揄雜醜魅文章本華國詎恤招
衆忌我困江之南自恨隘聽視慵踈對遺編此外寡好
嗜慕古浪馳騁晨起廢百事兀兀如拘囚卷帙丹鉛漬
默坐探淵源可見不可至斂退迎新機強進艱力致少
小喜博涉敏窮睹記瑣碎弗貫弗內索亂腹笥攻苦
罕漸融椅撫等委寄取境貴自然純養非造次學室弄
柔翰奮猛走銳思天巧摘春花得句那忍置虛富千詞

笑航詩禪卷五

戀月集

十

章腐筆倉半字追脈梯天難顯錦指掌易始知學真醇
無事逞姿媚經傳交發明了了討宏遠平心察迷途茂
根竅實遂舒懷放竒芬浩氣盛勿匱毫端隱才鋒落紙
役神智幻龍起重淵鵬舉摩兩翅排雲御長風蕩滌激
情志橫掃千人軍偏裨統雄帥奮手掣鯨魚碧海俯萬
類哂此九仞山功未成一簣聞君黜禮部僻處甘遁避
緣多浮薄憎感憤憶把臂今來過茅齋示我以美製波
瀾闊飛揚風骨勁清厲庶幾免羣兒克與前賢契挑燈
誦君文顧影益滋愧斗酒握肝腎夜牕不成寐牽衣步
空庭殘月光墮地

次韻東坡先生以雙刀遺子由

火精煉雙刃輝潔明月環宵壁風雨鳴鏘擊紅琅玕上
鐫星斗文透膽神光寒世苦乏壯士冷鐵劘肺肝塵埋
古鋒影土繡花斑斑從仇敢出匣對之涕沈瀾弗試良
所願獨愧人情難不數輕薄兒解佩起長歎顧此一片
心憤激不妄干弟弟相贈遺珍惜同班蘭蓄銳若守鈍
母乃假手便詎惜事雞割羣狗當誰刈用蜀張雲語安得諸讓
流窟室溪橋蟠風彩弄酒後直與僚叢看

漁父

漁郎清夜櫂歌回野水烹魚佐酒杯蘆荻灘頭上新月
一羣鷓鴣却飛來

雜感

芙航詩顧卷五

戀月亭集

十一

當前一局未殘棋局外相看易轉移歲月去來無異象
人情今古不同時推枰應悔從頭誤竿子方知下手遲
多事旁人分黑白輸贏猶笑苦相持

題王石谷富春釣隱圖

暮雲銜照浸長空水帶煙光樹帶風萬仞秋山留不住
澤中天許作漁翁

上兩淞徐中丞蝶園先生五十韻

帝眷名臣績人推內相賢石麟占斗府金馬署蓬巔學
海驚三峽文瀾障百川掌綸菱是紙歸院燭爲蓮鸞掖
晨先到鰲峰夜未眠西清鈴索靜東閣兔毫妍視草珊
瑚格擗詞翡翠篇光凝宸翰裏香繞御爐邊禁開昌

運紅雲護講筵鷓班分綺被豹尾印花磚 特簡衡南

院空羣拔北燕大儒端氣象多士仰陶甄蕊榜三辰會

薇垣太乙燃天章雲錦合師表日星懸佳樹榮桃李奇

材植杞榎羣焉爭執贄伯也猥居前

壬辰會試余
兄出公門下

黃絹叨心

賞青梯仗手援敢誇江令筆竟著祖生鞭乙酉迎鑾從

壬辰入館編禁中雙落第門下四逾年立雪高賢側談

經奧義傳 內庭親試後香案得春先清淨承三世深

嚴切九天宣公真得士賀監儼呼仙 上念東南重公

膺填撫權封泥頌斧鉞錫殿騁鞍韉開府湖山境歡騰

市井塵政清除兇虎才猛擊鷹鷂海甸狂濤息江城疾

苦痊寸心勤惕勵百計活顛連旭日臨苻澤甘霖沛稻

芙航詩額卷五

戀月亭集

十二

田舊分銅闕食新飲王山泉兩淊恩膏渥三衢淑氣纏

夔龍儀秩秩琴鶴興翩翩輿誦留碑碣塗歌播管絃景

山端柱石季海耀瓊璇茂績稱三輔丰標震八埏明公

過下里賤子謁星軒厚德雲霄並微忱肺腑鑄黑頭王

掾貴青眼阮公憐獻策嗟三黜驅車愧兩旋技窮潛拙

鼠鳴苦咽秋蟬花月搜詩句江山費酒錢上書歐內翰

乞澤范忠宣師相垂宏業儒生頌小箋布衣難裹足珠

履盡摩肩軍國新猷壯文章統道全 聖朝崇雅望明

詔疊榮遷王露沾遊騎金飈送客船應分風雅席長權

一湖煙

次殷夢五先生韻書讀易草後

爲政風流儘可觀
洛陽才望際時難
何堪霜鬢羈騷客
賸有冰心抵熱官
聲播餘威驚鬼膽
文流元氣入人肝
一編周易千杯酒
燈火衙齋仔細看

萬象都從靜裏觀
不論曲直世途難
休憎門第麀狂士
好爲聲名事上官
戶外何心招雀角
邑中無分累猪肝
只今淨洗車輪眼
猶作當年卧虎看

下堂琴響笑旁觀
狡獪人情悟徹難
金窟有源顏鄭字
鐵船何策渡郎官
羊皮詎可全狐腋
鵬背渾無異鼠肝
門外索錢今有吏
悔將盤錯等閒看

井底偏能放眼觀
鏡中真是笑嗁難
不圖巨室嗔循吏
屈煞詞臣削宰官
匿怨愚兒母攘臂
銜恩黠吏肯披肝

芙航詩櫛卷五

戀月亭集

十三

江梅冷絕春先到
敢例河陽桃李看

合肥田五梅嶼見訪不值

屈指辛年始識君
秦淮秋舫醉紅裙
何郎不負看梅約
空到城東憶范雲

拂水山莊

屏山鏡水委荆榛
廢跡空教客愴神
園笑無情仍舊額
園已易主明發
堂舊額尚存詩刪有學是完人
河東心死紅顏盡
江左風

流白髮新遊屐
頻過名挂口至今還說老遺民

東漢階皆人

江東王謝擅風流
何日西園續舊游
遊我騎鯨叨問訊
月鈞虹綫一孤舟

月

冷侵書幌入疎簾斜上牆頭浸半檐何事忽明還忽暗
不論圓缺與彎尖

芙蓉詩禪卷五

芙蓉詩禪卷五

戀月亭集

十四

物榮於春而悴於秋榮者欣悴者怨秋故怨府也嘗讀
芙航春曉集矣近復讀秋深一集殆取長吉所云非君
唱樂府誰識怨秋深者乎顧怨之來也或以窮老或以
勞思楊子有一於是乎而奚以怨爲雖然天生人而多
與之情復濟以才則怨之爲類不根而芽不翼而騰發
而爲詩歌及古文詞則又溫然以厚窈然以深是善怨
者情耳才耳奚止窮老勞思之自出哉司馬子長稱國
風好色而不淫小雅怨悱而不亂風其春乎雅則秋矣
然吾觀邶鄘而下怨者蓋什八九意古之作者類皆有
不釋然於心者耶今楊子才放而情逸若無窮老勞思
之患而其英銳勃鬱之氣未獲一吐其奇則其怫怫不
釋良有以焉然則秋深怨也春曉亦怨也可以風可以
雅則可以怨陽羨同學周鐸

芙航詩櫛卷六

秋深集序

一

芙航詩禎卷六

武進 楊士凝 笠乘

秋深集

班氏藝文志謂哀樂之心感而歌詠之聲發誦其
言謂之詩詠其聲謂之歌郭茂倩甄綜兩漢魏晉
以及五代三唐之詩歌統謂之樂府非必皆被管
絃而門戶疊變無不各當於風人之音旨不以相
襲爲工也後世故多擬作凡不究音義如弇州所
云臨撫帖者心竊感之牧齋彈射濟南李氏詩洞
中流弊細讀杜韓二李張王元白諸家偶有所見
執之不堅輒詣舅氏茶坪先生探討源流正變意
在不泥古人而復不戾於古每構一章隨得評隲
終歲計詩六十八首雖事異勢殊去古愈遠要亦
自寫其哀樂之心云爾

丙申

春江行

江流迢迢接天影雲脚輕帆織煙景江頭自古送遠行
一片春潮水光冷妾身嫁得江南客遠道相思了無策
去年江上別良人萬絲楊柳搖青春今年江樓望長路
兩暗鶯聲啼不住憶初妾淚滴江潭從君舟渡江之南
淚餘酸苦江水甘攪和入口君心諳君不見春江漁婦
隨漁子一生苦樂江舟裏打魚沽酒醉復醒那識春愁

滿江水

棄婦詞

妾心誓偕老既棄勿復道孤鴻自哀鳴意忽愴年少何
時乞靈藥服之輕賤軀高飛侍姮娥夜夜盈蟾蜍流光
照故夫長保新人姝

古意

鴛鴦池上棲蝴蝶花間飛深情兩不語到死無乖違翦
妾機上繒作郎身上衣繒是妾手織衣與郎身帖不繡
雙鴛鴦但繡百蝴蝶鴛鴦在南塘蝴蝶飛近妾

春樓曲

樓前有楊柳落妾當牕手愁腸如柳絲春風知未知釵
墮尋歸陌頭路陌柳從風送行步妾心如夢柳如狂曉
牕相對終斜陽

江南曲

東風吹濕雲一夕江南雨春草忽已長游禽隔花語

美女篇

空谷有佳人倚竹矜絕代牽蘿詠斯饑未忍燒玳瑁幽
蘭吐奇芬氣感感心瘁豈無雕飾姿皎哲謝粉黛寒機
多苦辛名貴掩儕輩人間罕靈匹促刺愈斂退何當一
心人目成解瓊珮

雜曲

塲前穀不待熟雞已啄啄稻雞肥則肥身其危

日出入

神媧踏天補天缺猛火煉石如煮雪坎離交濟光網緼
浮空煙氣成卿雲海王川后輸精魄噓霧帝青終古宅
就中頑石未盡銷太陰泣雨風飄颻何來神仙事遊戲
鞭石石墮蠱平地至今此石名崑崙日月出入無逃門

孤松篇

亭亭挺丹巖黛色參碧落結頂百尺高戴笠倚山閣下
有千年苓上有千歲鶴刻慳蒙雪霜未肯怨索莫緬彼
嶺上華俄然實芳萼天心均雨暘稟氣天壽各譬之垂
龍垂鱗角恣挈攫側身萬仞岡自待何敢薄高空發風
濤清響厲雲壑

芙航詩襯卷六

秋深集

三

織婦嘆

雲錦年年織幾時成一匹不如鄰舍娘績麻日盈筐

古鏡詞

睡龍失珠鑄成鏡素娥墮影遺輝映江妃漢女靜濯妝
不許黃姑借行聘漁人網碎寒星光皎綃脫裏離龍堂
千年神物終不改古篆斑斑鎖秋水

春深曲

春花萬片銷春魂成團蝴蝶飛山園千章扶踈繞屋樹
樹頂漫冒昏煙溫黃鶯弄機聲已老杜宇濺血燒紅盆
陌頭柳色沈沈綠馬上王孫續離曲蕩子何知少婦寬
眼隨鳥沒空平原

送遠曲

妾住深山裏眼見太行險不道長江頭江水連天遠
江水風蕭蕭吹動木蘭橈船人莫解纜且復過此宵

順天樂

漢水南下其澤已竭維天眷顧迺利東北北海之上有
聖人生聖人既生黃河以清

烏夜啼

風淒淒響枯樹枝折葉脫無巢處野鳥飛來復飛去豈
無深林挺喬木黑夜啞啞止茅屋恥過鄰家啄餘粟月
落饑聲慘如哭牕中有客知爾哀飛去不如還飛來

蛺蝶詞

芙蓉詩顧卷六

秋深集

四

蛺蝶花開蛺蝶來花魂蝶夢兩無猜天公大有神通在
同嫁春風不用媒

采桑怨

春歸湖上雨新晴滴翠遙山潑眼明柳外低橋通小徑
桑陰啼出鵝鳴聲

薜荔頽牆緩步前豆花香細午風天樓頭一餉拋鍼線
埃餒春蠶未得眠

小小筠籃曲曲鉤東西陌上往來愁東鄰阿母西鄰妹
夫婿驕人在上頭

浴蠶茅舍枕溪灣溪水多情抱故山不信溪頭人性別
刀環驗取幾時還

憶別樓前淚暗垂
小姑翦髮覆通眉
今來姑女嘗桑椹
未省孀兄似阿誰

妾歸曲薄連年治
郎去柔桑半稜荒
千兩新絲三斛繭
乞靈先祭馬頭娘

繅絲風雨澀難晴
細剝香綿曬不成
昨夜夜深郎入夢
笑兜桑葉喚儂傾

膏沐無心上綠雲
曉寒鄰屋剪刀聞
縱饒絲賤堆羅綺
沒福分他換布裙

葉薄端相起怨嗟
郎情妾命略無差
郎如柔桑有人采
妾是蠶僵死守家

不用香杭療妾饑
祇須寄遠罷縫衣
何年便是團圓日

芙蓉詩顧卷六

秋深集

五

郎種木棉儂織機

懊儂歌

楊花裏晴絲不到儂家裏
雨打入春泥付與巢燕子

館娃宮詞

鷓鴣飛過吳江水
館娃宮裏吳王死
東門懸目雙瞪瞪
不看越師看西子
顰愁夜醉真珠紅
斷雲嬌捧青芙蓉
紫煙散亂柔魂逸
牢鑠夫差不出宮
濃香熏透三風夢
月落空宮花影重
不知何處采蓮船
一聲低唱江南弄
江草江花處處愁
千年紅淚濺江流
何人解逐姑蘇鹿
時向語兒溪上游

春水曲

春水無直流曲比人心苦紅飛委江萍萍末颯寒雨

調笑詞

眠柳過橋不用扶教飛燕子領雙雛妝成恐被羈雌妬
斜倚春風聽鷓鴣

一庭明月護銀缸步步行遊影必雙落到梨花春欲去
夜深寒上碧紗牕

蘇小小歌

錢塘嬌女年幾何雀釵蟬鬢翠蛾門前煙柳鎖空碧
同心早結青驄客郎情不似妾情濃後人那見西陵松
春風花怨當牕景軟語溫磨淚痕冷曉雲低壓海棠絲
蹴紅乳燕捎簾影

芙蓉詩櫛卷六

秋源集

六

姑蘇楊柳枝詞

亂搖江影鑠春光晴拂高樓雨拂塘何事行人多惜別
獨留青眼盼張郎

大堤來往繫郎驂過後相思太不堪一段春愁煙月苦
悔教此種上種江南

漢宮眉黛楚宮腰曲曲雕欄短短橋昨夜燈昏春雨細
曉牕風色冷蕭蕭

深巷悵悵送遠行夕陽絲管亂春鶯他年飛上靈和殿
一樣銷魂記此聲

賣酒吳船負鼓場風流傳唱永豐坊如何解綰同心結
不管離人要斷腸

讀曲歌

歡心兩邊搖把握終不定歡作雙耳豨儂作播豨柄
挑燈待歡來紅影五更盡算子語等星我錯汝不準

採蓮曲

江波一碧秋煙紫渚蓮忍爲秋風死花落花開有幾時
眼看結得成蓮子前朝蕩槳遊魚中綠莖嫋嫋擎香紅
開時來採落時去花顏妾貌母乃同妾從嫁來住江潯
無人知道良人賈譬如蓮子守青房未擘那見中心苦
苦心一點傷蕭索朝共潮生暮還落落潮爲我祝歸人
晚來江上風波惡

妾薄命

芙蓉詩禰卷六

秋深集

七

得明何足憐得愬不爲苦妾言或難信但聽鄰舍語覆
水收起花還枝人死或有重生時人家夫婦偕到老獨
妾繁華易枯槁非君變心貳其行妾自應爾實薄命

樂府雜怨

野雁不鳴充君庖厨黔驢一鳴虎嗷厥軀鳴與不鳴孰
脫羅網知雄守雌祇慎攸往

拙哉許由辭位遁跡壯哉韓侯建樹勲策辭遁者傳建
樹者廢寧師瓦全無效王碎

蘭生空谷棘生道旁棘旣繁衍誰勸蘭香鷹善搏擊豸
能觸邪狐魅晝行安用爪牙空谷雖險空谷雖深深險
之至孰如人心

蠶絲歌

吳蠶作繭抽春思吳女踏車繰白絲車聲接響絲接轉
頭緒歷亂中心悲自來田家衣食苦力耕不足繰絲補
不停十指望絲多詎恤晨炊遲到午今年繭大稱人願
又慮絲多時價賤繰車咿呀未脫軸私負官逋併催促

田家行

耕田苦泥滿腹血滿股焦頭赤日打面雨種粟筋力疲
獲粟冀幾金半藉養家半償田主復蓄升斗以祀田祖
入邨收逋急如火錢帛盡空搜米粿傾甕與之甫離戶
胥吏來聲似虎

雨霖鈴曲

芙蓉詩韻卷六

秋霖集

八

天子猶難活婦人梨園枉唱雨霖鈴萬層劔嶺千條峽
一个官家掩淚聽

苦訟謠

啄啄剥剥虎益兩角田欺犢嶺欺鹿啞人之報猶未速
舐血啖肉天怒鬼哭

明妃怨

怨恨千般到死空魂歸荒塚月明中天教朔漠生青草
假手宮門死畫工

苦熱行

火龍鞭急陽烏橫赤輪燒天爛海鏡千里一片空青蒼
衆木杲蠹枝條靜祝融奪焰扶桑暈下布赤帝離宮令

鮫鯨陸行竭海水石落涓涓細流迸伏金焦土煎洪爐
勺水難蘇熱官命韜較狂車走精銳狡獪伎倆輸曼倩
吁嗟乎海濱寒士筋骨勁烈燄身無焚炙病市上仙人
醉中聖北牕不見南風競蟬嘶返照落遠汀月上牆花
弄幽靚

秋江詞

清江狼籍芙蓉香煙波夢冷雙鴛鴦蘭橈飛去濺江水
美人欲笑花欲死水風捲起空江秋割雲欲墮雲不流
殘螢下上宵光幽夜色如海深人愁月魂澄澄遠漏促
催寒絡緯啼湘竹紫簫吹裂羽衣飄破鏡斜飛挂空綠

子夜歌

芙蓉詩櫛卷六

秋深集

九

青青梧桐樹夜半棲烏起葉落井牀秋相思梧桐子

廣陵行

廣陵八月秋風發怒濤衝撞蛟鼉窟奔空萬馬過江來
江上峰尖起飛鷗此時黑浪掀豚腥氣吞吳楚秋冥冥
銀河倒瀉河鼓滅金焦兩點浮青萍須臾風定潮聲落
蘆荻蒼蒼煙漠漠月明柔櫓下江南一枝漁笛穿寥廓

漁父詞

發春雨足春水闊汀洲茸菰芽茁小船罟網大船罟
怪魚觸鱗時破裂世途更比罟網密誤入那復能自脫
懸流鉤餌倘不貪髻鬢還容水中活直從渤海還江頭
短蓑圓笠憑虛舟天池浩蕩無拘囚巨鰲駕浪長鯨浮

怒濤萬丈一眼收海風江月空悠悠

樵客吟

十年磨斧出門去萬里雲山最深處直造幽巖峭壁中
丁丁斫取參天樹谷長風激轉空聲山鬼嘯雨猿猱鳴
人言隻身畏豺虎正直遇險心無驚短歌未終行且坐
松子鏗然石間墮峰腰歸路趁夕陽一擔捎花兩三朶
樵家所得能幾何貴在勤身警游惰

採菱歌

白蘋裊裊秋塘風雨光刷波搖晚紅鄰家艇子採菱去
同到前年採菱處朝看菱葉暮菱花省識盤根在泥淤
鏡光霍霍不待拭可惜獨照妾顏色相逢多是採菱人
死結秋魂銷不得天高不禁小鳥翔水深不禁赤鯉藏
南塘飛起雌鴛鴦孤鳴咽妾蛾眉長

白紵詞

華堂絳蠟光銅鋪手垂絃索翻花奴歌白紵鳴笙竽舞
裙皺踏紅氍毹小槽琥珀濃如珠一生花底爭揶揄沈
沈漏箭催銀壺簾外雅啼金井梧

野田吟

薄煙飛白楊日落山氣冷村路無行樵羣狐伺人影

促促詞爲夢華生沈無咎作

促促復刺刺霜月慘慘入牕隙閨房老女攢雙眉袖血
殷紅轉凝碧少年未嫁父母離父母棄妾身何之頭白

銅釵冷秋雨碎錦殘絲泣機杼明珠何處買傾城十二
重樓富家女誰家姊妹無姑嫜良人出門悲斷腸不如
妾生未識別離苦他生化作雙鴛鴦

苦寒行

怒風攪樹翻空碧雪花落枝亂堆白一燈淡影搖昏黃
破紙鳴牕夜光射夢回脫枕徹骨寒瓦瓶火死同冰團
牕櫺啓視空漫漫雙鴻飛易孤鴻難庭前母竹壓將斷
清森竹籬下猶暖老烏骨立小烏啼破巢忍饑倚足棲
夢魂飛空達宵寤呼天那徹窮泉路藥心抱竹悲夜烏
淚結紅冰滿瓊樹

塞上曲

芙蓉詩櫛卷六

秋深集

十一

古磧開陣雲甲帳森明戟半夜馬嘶風角聲吹月色鬼
火散秋螢銀沙血殷碧流星驚夕烽病卒荷戈立

雞鳴曲

雌雞乎其司晨雄雞聞之喜不鳴是皆可殺投諸釜鬻
折籠燃釜鬻釜鬻之中多泣聲慎恨鳴者不當鳴當鳴
未及鳴

寒宵吟

霜天雁叫沙草黃貧家四壁燈無光乳兒在懷女在牀
隔年刀尺今應忙念刀尺重太息輸官無零枉勤織此
時分帛出彤庭著衣乃復知誰力措氣入機母使空晨
餐穀粟還待春兒單女寒夜深哭欲糶箱中少新穀

西鄰曲

西鄰女兒好妝飾朱脣粉頰黃塗額青裙著地湘水生
高髻堆雲黑如漆東方夫婿誇上頭嫣然一笑都停眸
東鄰女兒誤相見燈花結盡紅牕怨柔腸宛轉付短簫
無媒未用嗟無家棠梨嫁早北風惡一樹繁花半飄落

籬邊月

籬邊月皎如中庭曝晴日十枝五枝花影橫一鼓二鼓
移牕隙萬古不替收山河黑暗從教變成白天漢水精
懸照人人未眠胸中空朗徹骨清肝膽一洗浮雲纏素
娥弄九衆光小夜色淡結寒嬋娟多者缺少者圓醉月
苦無酒浴月愁無川籬邊月空相憐

長安行

秋深集

二

長安道車遙遙馬蹄雜沓黃塵囂少年不知官長貴那
問將軍忤亭尉黃金無家花底醉夜夜酣歌日高睡高
樓我我臨道旁下有游子思故鄉

宛馬行

君不見北野一過千羣空駘驚齷齪嘶宵風君不見王
山天子日萬里騏驎刺花電光紫邯鄲俠客紅樓前赤
金絡腦青連錢劔花三尺酒百斛照耀骨相披鞍韉汗
血飛塵壯心死倒拖龍脊珊瑚鞭何當萬戰乘猛氣暮
刷隴蜀朝幽燕朱門豈無百里驥笞策過於辱奴隸天
廩豈無千里駒日給不稱長馳驅飛龍那果從君豢一

心買骨涓人獻五陵結客走天涯秋風吹角沙場忽障
泥已敝誰汝憐直上雲衢四蹄健

芙蓉詩頌卷六

芙蓉詩頌卷六

秋深集

一三

10238

